

新編事文類聚翰墨全書

新編事文類聚翰墨全書卷之四



婚禮門

事類

古今婚禮

易重咸恒詩必關離婚禮之通其來尚矣  
國朝以禮防民至元八年朔初頒降以制自以婚禮壻  
見婦之父母凡七條並斟酌之文各得宜為定式以詔天下  
後世今具表以俾男士無爭以病礼者有所據依焉

○至元婚禮

至元八年九月尚書礼部契勘人倫之道婚姻為大即  
今聘財庭會已有定例外據拜門一節係女直風俗遍  
行合屬革去外據漢兒人舊來體例照得朱文公家礼  
內婚禮酌古準今擬到下項事理呈奉尚書省札行用

送翰林院兼國史院披詳相應移中書省咨議得登車  
乘馬設次之禮亦貧家不能辦外據其餘事依在所擬  
遍下合屬依上施行仍開各部照會

議婚

身及主婚者無期以上喪乃可成婚必先使媒氏往來通  
言使女氏許之然後納采

前件議得其諸議婚之家合依此例而行  
納采係今之下定

主人具書風興奉以告祠堂人之大倫於禮為重必當告  
廟而後行示不忘祖而今往往俱无祠堂或畫影或寫立  
位牌亦是及使子弟為使者如女氏上之出見使者遂奉  
書以告于祠堂出以復書授使者遂禮之使者復命婚主  
復以告于祠堂或婚主人等親往納采者聽

前件議得婚姻之禮人之大倫於禮為重必當告廟

而後行示不忘於祖先擬合依上施行

納幣係今之下財礼

具書遣使如女授書而復書礼賓使者復命並同納采之儀  
前件議得擬合酌古准今照依已定筵會以男家爲  
主會請女氏諸親爲客先入坐男家至門外陳列幣  
物等令媒氏通報女氏主人出門迎接相揖俟女氏  
先入男家以次隨幣而入辛酒請納幣飲酒受幣訖  
女氏主人回礼婚家飲酒畢主人待賓如常礼訖  
女氏女子各各出見並去世俗出羞之幣

親迎

前期一日女氏使人張陳其婿之室資明婿家設位于室  
中女家設次於外初婚姻盛服主人告于祠堂遂醮其子  
而命之迎婿出馬至女家俟于次女家主人告于祠堂遂  
醮其女而命之主人出迎婿入奠鴈姆奉女出登車乘馬

先行婦車至其家道婦以入婿婦交拜就坐飲食畢婿出  
復入脫服獨出主人禮贊

前件議得擬照依此例而行所據登車乘馬設次奠  
薦之礼近下貧窮之家不能辦者從其所便

婦見舅姑

明日夙興婦見舅姑次見于諸尊長若婦家則饋於舅姑  
舅姑饗之

前件議得合依此例而行

廟見

三日主人以婦見于祠堂

前件議得合依此例而行如無祠堂或懸影像及寫  
位牌亦是

婿見婦之父母

明日婿往見婦之父母次見婦黨諸親家礼婿如常儀也

前件議得酌古准今婦之父母受婿拜禮餘依上議  
竊見自今作贅名婿之家往三蓋是貧窮不能娶  
婦故使作贅雖非古禮亦難擬革此等之家擬合  
令謹依時俗見行之禮而行

至元聘禮

至元八年二月據中書省奏定民間嫁娶婚姻聘財等  
事仰通行諸路照會一體施行

婚姻聘財表裏頭面諸物在內並以寶鈔為則以財  
畜折充者聽若和同不拘此例

品官

一品二品五伯貫

三品四伯貫

四品五品三伯貫

六品七品二伯貫

八品九品一伯二十貫

庶人

上戶一伯貫

中戶五十貫

下戶二十貫

筵會高下男家爲三

品官 不過四味

庶人 上戶中戶不過三味 下戶不過二味

爲婚已定若女年十五已上無故五年不成故謂

男女未及婚年甲或服制之類其間有故以前

後年月併之及夫逃亡五年不還並聽離不還

聘財

同姓不得爲婚截自至元八年正月二十五日爲

始已前者准已婚爲定已後者依法斷罪聽離

有妻更娶妻者雖會赦猶離之

婦人夫亡服闋守志并欲歸宗者聽其舅姑不得

一百改嫁

大德聘禮

大德八年正月一欵男女居室人之大倫近下聘財雖

法奢靡日增至有傾資破產不能成禮甚則爭訟不已以致嫁娶失時除蒙古邑目人各依本俗品官別行定奪其民間聘財令中書省從宜定立等第以男家為主

願減者聽親禮筵會從省約

上戶	金二兩	銀五兩	綵段六表裏	雜用絹四十疋
中戶	金五錢	銀四兩	綵段四表裏	雜用絹三十疋
下戶	銀三兩	綵段二表裏		雜用絹十五疋

以上係國朝新格

文公婚禮

議婚

男子年十六至三十女子年十四至二十溫公曰古者男二十而嫁今令文男年十五女年十二以上並有婚嫁今為

此說所以參古今之道約孔令之中順天地之理合人情

之身及主婚者無其以上喪乃可成婚大功未葬亦不可

主婚凡主婚主人



並如肅札告宗子自昏必先使媒氏往來通言俟女氏許則以族人之長為主  
及家法何如勿苟慕其富貴皆苟賢矣今重貧賤者家之所由盛衰也苟慕其一時之富貴而娶之彼其富貴鮮有不輕其夫而幾累其姑養成驕姑之性異日夫志氣皆能无愧乎又世俗好陰謀重利之時輕許為婚亦有指腹為婚者及其既長或不肖无賴身有惡疾或家貧東家或親朋相仍或從宦遠方遂至棄言背約連累致訟者多矣昔先祖宣有言曰五世家男必長而後說婚通書不致月必成婚故終身无憾子孫所當法也

納采  
納其采擇之礼也俗所習言定也

主人具書  
主人主婚者書用淺紙如俗礼若族人之子則其父具書告于宗子夙興奉以告于祠堂  
其年已長或味有仇憾已欲娶其官某郡姓名之後同若宗子自潘則自告乃使子弟為使者如女氏女氏主人出見使者  
使者盛服如女氏女氏亦宗子為主人盛服出見使者非宗子之女則其父立

於王人之上尊少進卑少退亦卑使者起曰吾子有  
惠賜室其也其之其親其官有先人之禮使其請納采從  
以書進使者以書授主人主人對曰其之子若妹姪孫  
惠養又非能教吾子命之其不敢辭北向再拜使者避不  
於主人人爲之使則不云惠養又弗能教遂奉書以告于祠  
堂第我片年解長成已許嫁其官其都姓客之子若其親  
其今日納采不勝出以復書授使者遂禮之主人少其親  
感其意遂以後同也出以復書授使者遂禮之主人少其親  
至是始與主人交拜揖如常日賓客之禮其從者亦凡之  
別室者  
以幣使者復命婿氏主人復以告于祠堂

納幣

古有問名納吉今人不  
用止納采幣以從便也

納幣

幣用色備貨富隨宜少不遺兩多不逾  
十人久更用以制生利果子之屬亦可

書遣使如

女氏女氏受書復書禮賓使者復命並同納采之儀

但不告而使者致辭改采為幣從者以書幣進使者以書  
授主人主人對曰吾子順先典賜其重禮其不敢辭敢不  
承命乃受書執事者受幣主人再拜  
使者辭之復進請命主人授以復書

前册一日女氏使人張陳其婿之室世俗謂之鋪房然所

惟二應用之物其衣服鑽之篋詩不以陳者但德得帳幔

子曰婚娶而論財夷虜之道也夫姻者所以合二姓之

好上以事宗廟下以睦後出也今聘財之多寡至於立娶

先問資裝之厚薄傳女先問聘財之多少至於立娶

云某物若干其物若干以求售其女亦有既嫁而敗給負

約者是乃粗情賣婢滿如之法豈得謂之士大夫婚姻哉

其舅姑既敗益則益虐其婦以備其忿由是受其女首

飾厚其資裝以悅其舅姑殊不知鄙薄之人不可益厭資

裝既竭則安用汝女哉於是質其女以責貸於女氏貨有

盡而責元窮故婚姻之家往之終為仇讎矣是以世俗生

男則喜主女則喪至有不幸其女者用此故以然厥明晉

則以昏姻有及於財物者皆勿与為昏姻可也然厥明晉

家設位于室中女家設次于外蔬果盤蓋七箸如賓客之

禮酒壺在東位之後又以卓子置合色一於其南又南北

設二盞盆勺於室東隅又設酒壺蓋注於室外或別室以

飲從者各音達以初婚婿盛服世俗新婿帶花勝以雜蔽

小匏一片而兩之初婚婿盛服世俗新婿帶花勝以雜蔽

用之主人告于祠堂如納采以為同前但云其之子其

可也主人告于祠堂若其親之子其將以今日親迎於其

官某部某氏不勝感愴謹以敬奠其子而命之迎元以酒

後同若宗子自若則自告其面此南向立於席前南向受蓋跪祭酒以就席末

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

跪之詔皆席前賓升自西階立於席前南向賓升自西階立於席前南向

婦見舅姑

明日夙興婦見于舅姑婦夙興盛服俟見舅姑坐于堂上

女少於舅姑者立於兩序如冠禮之叙婦進立于序階下  
 北面拜舅非嫡舅則于卓上舅授之侍者以入婦降又拜  
 拜若非宗子之子而與宗子同居則先行此禮於舅姑之  
 同室若宗子不與舅姑禮之女之父母無兄弟見于諸尊長受  
 降自西階同居者有尊於舅姑者則舅姑以婦見於其室  
 舅姑之禮不拜若尊長于兩序如冠禮之叙婦進立于序  
 相拜非宗子之子而與宗子同居則既受拜長不問其堂上  
 如姑舅禮而還見於兩序其宗子及尊長不同居則商見  
 而後若家婦則謁于舅姑是日食時婦家具盛饌酒壺婦  
 之前設盥盆於作室南洗者設盥盆于堂上舅姑  
 之階洗盥盆酒買舅姑子上升俟舅姑又拜後舅姑進  
 西階受飲舅姑降拜遂執饌升薦于舅姑之前持立姑後  
 酒姑受飲舅姑降拜遂執饌升薦于舅姑之前持立姑後  
 以俟卒食後舅姑持者散餘饌分置別室婦就錢姑之  
 者錢舅之錢皆從者又發婦之舅姑饗之如姑婦之  
 餘非宗子之子則於私室如以舅姑饗之畢舅姑降自西  
 階降自階

廟見

三日主人以婦見于祠堂古者三月而廟見今以其太遠改用二月如子冠而見之儀也

改同歸曰子某之婦  
某氏改見餘並同前

### 婿見婦之父母

明日婿往見婦之父母

婦父迎送揖讓如客礼拜  
婦母問門左立

于門內背拜于門外皆有幣婦父非宗子即先

見宗子夫婦不用幣如止以然後見婦之父母

諸親不用幣如止以然後見婦之父母

以婦未見

舅姑故也

## 事類聚翰墨人書卷之四

新編事文類聚翰墨全書卷之五

已集

婚姻禮門

請媒書

引線因針言聞信史伐柯匪斧詠摘風人事儻藉於黃緣理必資於介紹采以第幾男某方從外傳未卜嘉姻伏聞某人第幾小娘子令德中淳婉容外淑早佩閨門之訓素閑蘋藻之儀欲結潘楊二姓之歡必假媒灼一言之重輒干將命恭俟報音

又

伐柯須斧引線因針若匪千金一言為結二姓之好恭惟媒氏入安人惠蘭育質冰雪流芳早饒詩禮之家夙擅閨房之秀某小姪某雖逾壯室未克成家伏承某官十娘子綰著婦儀夙遵姆訓素四德之兼備詩五長之可稱敢以表宗仰攀高援

發落



永茂兆祥久作晉人之夢聖成沛信漢承媒氏之招第慙微腐  
之才莫稱柯新之職慨然三首當通金玉之佳音雖則七襄月  
復珠幾之妙墨

又

韓氏寄一聯而合好諒有真緣謝生續兩句而成姻牋無媒灼  
效厚星奴之全欲為媒伐以招緘口何辭汗顏矣其切念某言  
輕黃土才劣斗筭實虧翹楚之謀虛負寒脩之寵勉承嚴命當  
傳社翼之音庶得佳占永叶鳳鳴之吉

**納采**

俗謂求親

求親啓 求魏氏

黃魯直

欽仰風流惟是婚姻之故講修世睦敢申燕婉之求小玉材  
不及中學未聞道猥叨命士方且異宮惟節春秋莫助蘋藻  
伏承賢弟二十九娘子教有端緒德成幽閑安聽行媒之傳  
肯願鄙宗之陋謹差數日恭候吉音

許親啓

黃魯直

明單地傳實發聲乎所通婚姻多出平素賢郎七先輩行義修  
於鄉黨才華秀於士林枝葉從仙李而來闕闕有英公之舊家  
弟之文未聞於教謹若而人豈圖頻數之求乃及菲封之陋伏  
蒙委以書幣告之託言泉水流於淇間雖容比義女羅施於松  
下而具情攀高不獲然辭泐然拜辱

又

楊廷秀

聲氣之求不緣利合婚姻之故所更歲寒既兩家之相忘則一  
語之可决伏承某入令嗣少而隸簡已翻夜誦之波瀾而某女  
子教以條桑粗知春服之刀尺羔鴈戾止牋牘輝如敢拜大夫  
之重塵庶幾君子之偕老

荅未許

晁侍郎

仰望雁門茂加是盛俯觀顏巷不堪其憂言期媒伐之行言欲  
締良季之好合雖喜叶鸞鳳于飛之吉然恐深蟬蛻可笑之機

五兩來陳安敢效齊侯之登受七襄返報且答書皇氏之孫  
怒之察之感甚幸甚

又

近枉行媒特聞嘉命高門絕企實懷實謂之私見子良勤願附  
主謙之義仰慚眷厚願布悃誠伏承某人早聞俊良自立字弟  
無綺紵餘子之目早有詩書寒士之風其女方妙年齡未開警戒  
采蘋南澗雖法度多可傳如舜同車顧德音之未著永言感佩  
難遽傳承

再答許

讀香山綉縷之詩甚非吾處調坡共練裙之句實獲我心茲蒙  
盛禮之寵臨縱妙固辭而莫敢登嘉下拜載思繫足之緣願信  
中孚願締齊眉之好

又

兼作婦主

惟我先兄有此貞女親之猶子妙無愧於古人待以如賓端有

期於良士某人富於學殖早以文鳴將卜室家之宜特勤媒介之請北阮之富雖甚初不論財南谷之德可依敢終承命

又

冠冕同朝素欽材術之美軒裳望族遽辱婚姻之求方屬文拘未容省謁行媒存至不遺菲薄之微合姓見盟獲享縑緡之厚惟茲弱女行且初笄僅知保傅之嚴未諭蘋蘩之重伏承賢子某官箕裘志業詩書世家早以門閥之賞延已列縉紳之仕籍愧茲攀附竊幸姻緣雖曷畀施于條枚疑若非對而泉水入于淇澳義將有行無復異辭允膺嘉命

問

俗謂繫臂

繫臂啓

江程萬

字汝風霜坐愧傳家之術業名知草木夙欽奕世之聲華茲實出於蚤緣得遂伸於盟好恭惟親家將使團練令女小娘子早開姆訓武臣許家之前年而某姪孫某粗步儒流行且成人而

及冠肆其斧之得請協占鳳之生民感佩之誠數言奚贅

又 祖母主婚

郭大卿

昔我良人曾是俊逸參軍之友今子孫子復請窈窕淑女之述  
契合蘭金姻婭段玉薄言繫臂永結同心對日線之添長藻然  
有喜雖年華之尚幼納采庸先

回啓 蔡回啓

蔡父軒

此女不妄與人知是西山之後君子可以偕老俾承南澗之恭  
既參厯媒妁之言是用締姻婭之好交惟以道嫁不論財肆令  
禮義之家獲配詩書之裔天作之合人豈能為實故問各意厚  
將於篋篋一經教子喜異溢於門闥

又 何氏

戴埴

姪從姑而托配幸藉重三舅下女以問名喜諸婚牘退偕封非  
曷締絲蘿其人必斯精勤行奮儒科之武某女衿袿敬戒第循  
婦道之彛方自守於柏舟何無嫌於竹筥下貽雙璧有碩英陰

尊章姊妹之相仍具知慈聽婉室家之好合有以唱隨  
**啓劄** 併幅求親劄子並用双行

近日士夫婚禮有除去公啓兩幅只用聘幣  
一幅禮物狀一幅用兩可偏子圓封外用實  
封劄子五提頭或七提頭或用四六隨宜不  
同今將名公新製條列于后

某伏以青律平分綠陰如綉共惟親家稱呼懷章養望高  
屋薦休台候動止多福某謹熏沐奏記洵史伏祈困灼其  
薦候燕居已嚴龜刻不審適反台候何以屬籍之英天為時  
生所以壯維城重磐石當陰相而默佑區區衛生之經不敢  
不敬以告日某恭審光應明命榮拜美除宗社增輝里閭交  
慶某忝在孝末喜倍等倫衰暮之蹤相望異鄉未獲預賀客  
一人之數其為慙愿尚冀昭原四其敬仰親家稱呼仞壻  
弗遠數舍敬想堂堂之望深懷縉綬之思蓋叔向素賢必能

知於輟戾然卻克自陋安敢躡於耶耶致裘葛之存更望履  
約而無自豈謂夤緣幸會遂令姻好肇修非人之能皆天所  
相自此而獲親密於是而賴幘幘適秉兕尖頰增雀躍四其  
皇恐上稟自顧家冷地寒者已有公雪塵冰之比其親名高  
望重者何啻天冠地履之殊比者不自揣量是以輒伸懇請  
舍姪某貧凡且陋學鈍而庸雖宜家之任願得其人而中屏  
之巧未獲茲選仰冀幸與通好門借求令愛小娘閨芳賢  
淑之姿以爲舍姪某家室伉儷之對乃蒙許諾勿賜鄙更雖  
匪偶然寔慙仰附第納采母乃太簡然承命欲安其無不腆  
輕縑敬陳別緒尚祈矜體特賜璧留感幸宋深決齋罔既因  
其不愧潛率敢伸起君親家恭人即日佳菊呈黃香更試茶  
共惟魚軒集樂鳩社駢臻其人省元侍奉惟愉學問精進第  
輩欲致問意楮卿併此代言有委于茲請問其目

右謹具申呈

月日忝眷具位姓

許親翁子

某伏以三秋垂杪萬寶告成恭審親家稱呼居安鄉里養  
望應前台候動止神相約福某歸敬藤緘效卑李報曲祈  
昧勿賜譴呵其申闕起居已遵彝式未龜瞻觀茲復僭言  
景物方變涼寒未定敗異精調鼎鍊嚴楚坤裳以承不休以  
膺新渥是皆真禱非敢私諛其恭以親家稱呼五福吉人  
一鄉善士怡怡金友棣華相輝炯炯諸郎蘭芽並秀方聲  
之有赫荷對非之不遺獲忝姻姻其幸會語心自慶拜手  
知歸其幸恐少稟有如紛族揆以華宗系裔邦宮之微向  
親齊楚之犬不謂其人德粹如玉言重若金平日不輕許可  
之情一旦特垂護復之諭謂其稱呼因推俊秀欲為執柯  
以其女子粗備功容遽稱家室誠為有敝義不容辭惟是定  
盟初云從簡過承鴈鶩輝華雲錦之佳復拜鸞戩洒落月臺  
之妙榮生意外喜溢眉間愧無金縷以為資未免練裙而從



事不多回。匪聊實右。緘伏巧容。留無任懷感。其再拜恭問。  
親家翁。稱呼親家母。稱呼令嗣。稱呼貴門仙媛。即辰授衣禮。  
奉執矩政。成伏惟天錫鴻禧。日臨燕社。兒輩列拜謝悃。荆婦  
此引誠或有耽需拱聽約束。

右謹具申。呈月日。忝戚具位。姪某。笥子。

又張與吳宣慰

秋湖

某伏以時維九月。序屬三秋。恭惟朱幡卿部。畫戟江城。千  
里詠依。百神呵導。釣侯千福。其戒七齋。三蠲吉而具尺牘。  
遙瞻牙。肅使恐薦陳萬幸。流察其切。惟少昊布政。秋滿堪  
輿。魁士偉人。以曾少之秋。與造化相表裏。位塗雍閣。則蕩滌  
瑕穢。運之以秋水之精神。歸衣錦堂。則餐和服。潔養之以秋  
氣之流。露華芳鼎。觀一清流行頌之祝之贊耳。陋耳。其敬  
以其官溫厚之德。布體秀傑之氣。蟠胸英妙。承家器局宏大。  
因時奮發。雲起龍興。乘風帝傍。萬里一息。是旋為之動色。振

捐資之進身北方未之或先漢廷無出其右於是錫以紫囊  
佩以金印擢拜總帥命鎮汾榆如韓維圭之於相州公家以  
視其府子以愛其民十萬戶得父母師保焉美最轉聞天心  
簡在一札促召皇曰來歸大而秉鈞軸於中朝小亦總省府  
於外服二者必居一於此矣爾其受廬於州邑之鄒原望見  
將軍非一日也兵衛如雲侯門似海何物賤書生造謁無路  
欲往一拜得乎茲恃宇量廓充狂僭請事幸軫聽其少力有  
史進取之効今則力耕桑而已帶衡佩矩一步不敢踰旣以  
是自勵亦期與兄弟子姪輩世守之非敢曰分外事也中齋  
寧言俾姪其備子婿於高閼斯盟也總管存嗣先生實主之  
某而偃而僂而走者累日也中齋申命曰勿遂勿稽其亟承  
嘉惠其始願勉使姪其歷吉奉幣致書乙盟惟鈞仁監采之  
惠綏之以福我冰氏於無數使旅也永有依歸闔門舉宗均  
被榮光謹百拜以請伏乞降體玉問眷云云六請委云云

併幅定聘劄子

文淵閣

文溪

九月肇序三星在天恭惟超然燕居有此良貴譬示禁焚台  
候動止千福其謹端笏奏記申詞 惟至人抱德場和能使  
物不疵癘豈弊弊然以尊生為務哉某固愚忠瀆則不敢  
曩自袞賓之月辱旌車臨賁某立醉翁雅意不獨在山水間  
也雲駛月運妻其授衣明河在天引領何極某敬以某人尊  
親家太主不琢古井無波溫厚如仲卿鄉閭愛慕端疑如公  
揆後進典刑而且養高立葵笑唾軒昂其視文俗吏為何如  
哉堦庭玉樹與槐俱萌封殖斯勤以克永出其也尚或見之  
惟婚姻之誼獨無之求其朴茂惓惓表裏皆真今人中曾  
不幾見其斂衽下風厥有年數間關出嶺甫獲締交頃次五  
年蒙潤多矣其子年幾弱冠願為有室而某也以官為家括  
括之計所向茫然中間一再參語具見肺腑而親愛迭然所  
以為彘謀者無所不用其極某知愧矣俗情熾泰敦厚者有

是言也獨不曰南治從東家未聞被嘲劇乎知禁室以詔直  
卿武夷翁自有故事登龍閣只莫爲非然抑執事實命之某  
恃此無恐 皇恐端拜敬問男眷即日伏惟病事晚節蘭以  
秋芳台候動止千福甚而次列拜起居 皇恐端拜嗣問女  
眷即日伏惟慈城綢繆藻潤芬非淑候動止千福甚而次列  
拜起居 官事有程然公餘豈無可以備使令者聞命敬共

又

彭與劉

心齋

某具儀匭如左惠激消人恃盟約也異時僕不自揣度敢拔  
門援地寒如水忽不自知足以當執事者之意得盟以來實  
用誇說山中春秋松韭粗給藉大之靈祖宗之福與執事之  
覆得從老弟兄率其穉子弱孫歌思先王遺風上下其響者  
以俟光景切計此意直與出落落孰知燥濕之就肺腑之依  
造物亦巧爲計矣伏惟中華衣冠之遺海內名理之的畫讀  
書傳夜觀星家聰明血氣之未衰壯數升降正在公輩而勝

邊英英所謂不負飲食者僕雖欠搢臂促膝亦將依憑聲光  
以耀粉榆於他年萬萬自幸而何况婚姻之孔云也但念當  
世貴人艾衣兒裘驅高馬如龍而區區弱下弱粹壁不較意  
筆墨行間君家獨何取於斯曩時崔盧李鄭矜門閥輒偃蹇  
他族鄙之由今面觀為四姓所鄙者尚切深鄙之不暇如執  
侯公必嫁之見則化為異物決矣此親家尊翁之盛心豈肯  
以次郎君位次小娘為次乎其長兒其許也二姓緣法與祖  
味中來不偶深自抑讓以有今茲一介之使咫尺之書既已  
三年庸敢告諸宗族以申明辭執事其圖利之

回聘劄子

劉回彭

前人

問卷云云

其既燬屬件畫足為當已請於此勿用復出滋長其相詣可  
十反也知聞極密乃久不得會從每思情誼輒復慨然一呼  
以南一巷以北好天良時豈無山行間出而覆履各不相及  
奈何足下不事斯刻居然玉溫淑問聲風八人最易能使公

者。瘠狼者。遂融通和暢而不自覺。此之謂大同。世故無涯。福  
祿終勝。震雷東雨。一息過之。起視四郊。万物如怒。門前有徵  
租索錢之吏。堂上聞彈琴讀書之聲。大雅之謔。自同於光塵。  
小隱之趣。不立乎門戶。此黃叔度郭林宗諸公當時不爲名  
高。今日乃有餘味。政復如此。昔在杜子美送王評事之詩曰。  
我之曾老姑。爾之高祖母。落所出爾而明公之於僕。又近此  
一等刻貪。服賢厚功。以爲明公之德。爲可親止。故於庚辰約  
婚之書。祖當拜盟。既盟以來。今且七十。以吾蒼顏白髮。推之  
知足下。雖後我十有五年。而體候盛強。恐亦非復前比。人於  
此時。愛孫一念。爲重壽壽絲麻。但當各盡其教。以待時之及  
而已。可毋勤乎。行人間者。有爲子言。嘗以意請足下執禮拘  
文。竟不省略。重以玉帛。將之腆。且有儀若。覩鉅麗。用告我曹。  
公以來之祀。亦既受命。使者出。且得所以報。謂婚姻有時。時  
者不可過。而亦不可不及。黃卷之訓。當先綠芳之嫁。且晚他

日當料吾奇猶有硯在藏之久矣遂其有行以爲遺即日天  
氣向暄伏惟自愛  
問者云云

又 蕭回李

蕭臺

維時仲秋即日癸丑定日也曆以三合爲大吉伏承某人馳  
納來之書以來大喜是蓋以四十年之舊交愛其人又以二  
十年之舊交修其睦有以郎君壻于去國十年栖栖者之門  
我惟一女不以與凡子擇婿客嚴也君亦一子意必向旺門  
擇好冰嚴也嚴則艱於對張伯玉甫工氏之懿親肯居閒下  
一轉語主之議以克合茲厚微命敢不命之承敢有告綵服  
趁過庭願時時拈起符讀書城南之詩金鍊之精金玉琢之  
粹玉豈不勝於金鑲書櫃者即退之費用難貯儲之戒昭矣  
敢重告肅然一寒依然挾兎園冊珂里時一窮措大也後日  
竹吾奇荆吾欽練吾裳奇六經匣一硯以歸李監宅美谷樓

之堂無悔無笑君其圖之雖然即君隨官之四方有問外舅  
子姑藉口曰太山翁人必曰此真冰清翁則又曰君子娶婦  
不以貨其識真超出常人一等獨出猶可出一口氣耳載書  
下貽東望下風敬復所以命而不違也

又回趙諫山

書臺

其生宋嘉定間尚及見州里風俗之盛與人物之美季父巢  
林每舉為家庭告曰吾友既公權之門多後來之秀他日吾  
州有顯者必由此而出也仰惟尊親家本以宗室貴遊而有  
河汾師友問學之功尤為自按於流俗當少年時即使諸公  
搢笏誦賦岷山萬里檄筆從軍夜登城樓指點形勢唾壘城  
折塵尾脫落居然無復有前日舉子之態公猶以其既仕之  
必未易之懷抑遏淹滯油然自得於上下進退之間長裾短  
貫而未嘗汙其身三徑逃禪而未嘗忤於物兒曹不自愛重  
每客諸侯間歸必謂坐有顧公問其舉處及其淵源因記  
季父之語則猶幸其以失身之嫌而易得友之喜失以數十



年前二名會遇之密安知一旦尚在其門人高第及其諸孫  
間哉書幣既來沐浴告廟報命之次敢陳區區以代珍愛之  
祝人性相近習相遠故凡固者揚之於光大慧者抑之於沉  
潛賴有李耳今世之習全不美而學又往往以迂闊不講遂  
使無人之家朝夕翻異何有於五世八世之占名父之子是  
必不同尚加之意焉若夫桑麻絲縷之教固所自盡也

又

耘廬

某於足下猶未識也向可謫曰疏與汝新盟官得佳晤知不  
可乎驟得則亦託之空言昔人一丘如思則千里命駕鄉邑  
之與處乃或終老不相往來他日臨字昵昵是亦人事廢放  
之過足下明德雅道不以時污隆激問休撫不以身隨晦大  
行之谷見謂如盤羊指闔門百世義聚而二難自百山中篤  
相安愛此誼古甚人生兄弟之日最長盡其分者每不易兩  
蘇公平生如手於足繼年出處不相並晚節居徙不相及則

所世故累之近來惟懷舊雨兄弟八十相看懷仰笑談位不  
足而榮有餘助聞明公之於伯氏頗有此意一語不肯異  
一啜不肯異席埴第交應與刑立乎前蘭桂森列軌職從乎  
後矮窻弄筆別墅藏棋不盡之和氣自然之福力也顧予一  
翁永病心苦閱書草樹差有以自老諸兄應門之暇擁膝夜  
話感念十年場屋之情秋界翁精神意度若在目睫而足下  
乃亦有前年約會之書秦晉之盟下及邾莒夫豈娶婦誠欲  
不若吾家哉慨亦惟惠言之故之以既盟之後可毋勤于行  
人乃復申之以麗辭厚之以重幣詳復稠雅遠且有光受盟  
于宗受使于門端拜寵嘉永以為好抑晉人有言子弟何願  
人事亦欲其佳年來不以居移則以俗化桃夭標梅之外每  
置妾于不蕭而不知氣質無自變之理詩書有必用之時對  
日之英少成可想城南燈火願益加之意云爾報命之次聊  
後贅布即日冬晚寒寒伏惟珍愛 問者云云

又 回劉梅閣

梅屋

良月在候兩輪新晴恭惟義德清氣平霜嚴其飭墨以謝  
先施之腴兼聞吉覆仰茲繁繁 茹美素矣政毋庸謙街於  
毫頭間然猶有不容以意瀆志告者載惟楚人飲芳食菲佩  
服葩藻盡撥香草以芬芳其四體金玉其言語而梅逸其名  
非簡也梅未易名也近世金人以擺出垢夢為清岸視水雪  
為任寒煦暖又為和殆為梅寫真矣執事臥視餘子姬諸百  
尺樓子以清者格其閣占德星聚姬諸高陽里于以任者抽  
其閣註易註本草姬諸隱居之流于以和者造化其閣格人  
不云乎透得是閣者真豪傑 送迎於白駒紅燭間那得元  
夫偉士傾倒羅列如隼挾秋如駿馳坂把數千陰暑付之嬰  
戲却令郊愈驚暗之訝曰彼美人兮始亦雲龍相上下綿  
涉已歷宿業未降子平之債交發而並至日君有惠將陽之  
盟使原貞遂得為李孝妃夫因已重李忠諫自奉而此情詠

易貨也說文以盡人之責爲債六經未之創見也見累於兒  
女子亦曰債則昉諸左氏傳有吟情有酒債則昉諸唐人詩  
然陰以日計酒以月計兒女子之累其必歲矣其比當有  
請非故遲之蓋君我所願雖相似而難易不能以一槩君於  
其季吳淞之歸梓也戎於其長魯縉之初的也君固憂其易  
矣九族以父母之黨害其七而族莫先乎睦其時弱息來歸  
妯娌其父族也夫婿其母族也君方有取乎其睦其又何憚  
乎其難書幣鄭重慷慨登拜固知責在我者多未之盡而執  
事必不盡責也小范嘗曰子無過計韓公自有以愛子矣夫  
何慮

又

存齋

其維秋之杪梅次第花恭惟風雨床間煙雲筆底音塵移衛  
合候多福其蘊藻冰腦呼墨吏雪爾蒼十部從事書首幾紆  
監其聞精舍讀書四十年抗論名理修心養性之學求之

橫溪南軒翁遺書足矣夫夫各珍重余亦安能為人祝善哉  
耶其家大亡山客東西來有能道雷頤傑操者其藥房清遠  
間常稱二於喻之北敬以親家文器負果教問客淵弘慨然  
功名鬱風鵬其未化以此才略何靈約今深藏論聞德門上  
世多長者今名淵二善積者慶有餘尚綿此脉以張斯文以  
亢而宗其蚤頗自矜仰視高曾前聞人橫金紵紫常恐負  
負茲僅足以自誑詎克潤澤其宗明謂告來歸先叔位勿忽以  
女弟將締姻好告聞某氏曰渝張也問某張曰湖溪勿升甫  
之猶子也問孰主張是曰李山君也余曰張為德門李山如  
升為達士階與蘭玉當可人是可以吾叔之子矣矣筆來琅  
函并委珍幣已戒果輩白之宗族

問眷請委云云

又

賀回李

山屏乃李臻

梅巖

山列屏高雨滋秋翠恭惟怡悅雲泉蘭酒日月台供多福

其惟君家大白駕風鞭霆揮斤八極意其窺六龍酌北斗與  
廣成子安期生往來明月者蓋千歲一日也讀青篇問寶訣  
乃將從聞孫而講焉尊生之請奚其顯望唐吳西南諸峯  
羣竊浮容其下有人方瞳綠髮飲金盃而捫蝸象者蓋山昇  
老仙也月滿臺梁猶疑顏色天風吹衣秋露一碧何當訪滄  
城問黃花共商今日一發曾中之賦相思在何處桂樹碧  
雲端家集語也二復翼如一舊家聲今已落雖善和故書  
無恙而涼燠者等其愚淡鐵矣長女及笄金屏綉褥何嘗惜  
見執事見聽髮脩倅妃次郎豈姑取其婉婉而畧其寒薄者  
邪知玉府琮璫連姻全張聲光耀日一旦下采菲封或者鏡  
湖漣漪前人醞藉尚堪味掬即書幣焜煌亦既登告宗桃筵  
襲唯謹而且誦托根本塲之詩以自賀惟玲瓏蒼玉佩  
幾家寶裾方虛圓嶠皆天人也其奚問之敢惟請其所以區  
策者

併幅請期劄子 李與劉靜亭

黃花自榮秋在山骨日對西風早瞻東斗其惟唐之明修前  
好也敢不以請 其平生不喜問人節適惟問景物何如耳  
江南九秋人物交處晚霽一碧入眼悠然清風遠韻當不在  
第二區區者辟易矣 其曉首之夜仰瞻煌煌知為大乙銀  
河欲署而想在虛碧何斯違斯其自謂 其敬惟親家西岸  
月南澗雲其亦不能以白舌侵矣抑聞之諸老前輩八九工  
夫惟將靜字然示城亭靜至論事處丙丁未倦執事之靜為  
今元城矣論事至丙丁不論以元城為如何其敬惜 其在  
山中飲少輒醉不欲以罕曠勞人惟自思念秦晉世胄於春  
秋特重襄幸不卸長子其得惠儼于門墻言日遠未幾遲期  
茲以臘月之戊子恭奉小禮貢日以聞執事者毋更予哀也  
門之壁惟命示之佩蘭亦惟命其只欲盡吾分而已執事益  
焉

家範圖考 附錄

按啓有三幅一寒暄二啓三祝頌今人啓皆用  
啓啓皆用之除啓之外幅外寒暄祝頌俗謂十二  
乃啓每幅止六乃舊式俸制前許志式亦用  
附麗今人多用之又謂之啓今遂以列其于后

常式第一幅

其啓主者猶寒其惟 其親家 台候動止多福其即日蒙  
周謹奉啓申附 起居不 謹啓

年月 日 有某郡姓

其

啓上

其官親家台座

次幅本第三幅今云第二幅

其啓不審適辰 台用奚似未由 參晤伏冀 順時倍加崇  
重其下情無任 祝頌之至

不審其郡姓

其

啓



以上係舊式孟春二字隨時換易近用德語則新巧矣不若存舊為宜

四月初

第一幅

端月告臨條風應節共惟神物參扶台候多福其家固有地知幸自天敬應子惠之恭仰瀆主書之覽

次幅

月間羣儀已具爾番之首日來台候不無龜卜之疑懇隨氣此於青陽加益精調於羣金受天休祉敢露禱祈

二月初

第一幅

春暎序晴日烘泰合敬審其人致身藝苑掉鞅詞林乾坤默相於吉人震良誕膺於永福共遠借桑陰之蔭近俞蓬室之安敢申首鼎之公言幸燭斗筭之微懇

次幅

揆今常言未究萬分之一通誠消史敢忘至再之二願珍龍

之身少俟鶴飛之詔

三月

第一幅

燕麥搖風驚花媚日共惟其人懿德懿淑令儀肅雍百神後走  
多福研集其伏蒙恩渥感第切於寸丹端拜起居誠用通於天  
素

次幅

稽月儀而申問闔台淑之未詳莫以曾趨伏惟覆言秉德盛豐  
陽之月斷繁靈一性之天即輟殊休式符真禱

四月

第一幅

夏之開也秋先來龍共惟神嚴高護福介起居共佩服洪恩感  
藏并臆謹飭手牋之敬僭陳掌記之司

次幅

肅詞中消倦陳前列啟之簫勺清和之氣金玉服御之司鼎路  
繁禧謦律整禱

田月 第一幅

梅雨初歇萬瓦正清其惟幽顯協扶起居迪吉其自天借幸無  
地酬恩敬修尺牘之恭先致仞墻之問

次幅

瑞候列茵肅哉前牕仰異對畏月炎空之令調冷霜清室之宜  
純嘏時臻辦香朝頌

六月 第一幅

赤煒垂晚紅鏡開炎共惟其人台候動止多福其即日家恩育  
天借幸謹奉尺書之敬僭干丈席之尊

次幅

申候備霖未夜長晤敗之對更伏鬱蒸之際蓮幸香拂徹之宜  
愛助一誠勤奉三禱

七月 第一幅

聖主生時金籙暑時其入天扶吉德日納繁禧拱撫已知

恩銘八廣威護奉尺箋之敬備申大席之尊

次幅

不吝比來之覆候未路晉挹於謙光敢乞惠迪金景精加察屬  
前牙簡獲之福載馳贊頌之忱

八月

第一幅

風月雙清水天一色共惟其人躬惟履吉福納鼎來其藝接岩  
高拜恩山重三肅黑知之敬一親箋更之通

次幅

申嚴覆候未審比辰日切心馳露陳忱禱之懋對四陰之序精  
加二御之調倍納休祺前獲光大

九月

第一幅

菊月催霜苦風剪雪共惟其人宮示協贊福祿來綏其即日蒙  
恩自天借幸爰致恭於霜楮清馳玷於電石

次幅

比長以來履用何以未繇而待每切心馳適矩令之告成期豈  
調而加學茂雅穠簡式副敷華

十月 第一幅

橙分好景梅占小春共惟其人樂神不宗多福斯介集新詩禽  
賢過沐鴻恩故雪手以裁絨庸銘於典記

次幅

端拜申居具嚴甲牘未繇晉謁爰闢比辰尚祈循十月之良于  
以介百川之福

十一月 第一幅

月應黃鍾日添紅線共惟其人神相興居福雅穠簡其連姻幸  
大知感恩深致恭遺鯉之書仰沾垂露之盼

次幅

首幅申嚴情文未竟比來所向履用何如願隨日景之迎長益  
謹天縣而毓粹前膺光之下副禱祈

四月

第一幅

板解錢歲時信傳春共惟其人拱衛有神起居八福其門心感  
德拜手知歸恪修竿牘之恭用闋綴永之貢

次幅

寅諏乙礼申市申審不審比辰若受養復用伏異終固陰五寒之  
序以重廟加殮之宜立上栗津式符美頌

閏月

第一幅

月屬歸餘時因取正共惟某之百神黃衛五福既臻其端分  
斯拜恩手舞效小夫之前牘申大府之典載

次幅

申臨載嚴於詢問未龜向还之起居願對斗指兩辰之間精加  
鼎明四序之養繁情來格教具懇所陳

開書

請開書啓

書以傳文各持開緘而見面幣惟將意何殊交臂以論心礼既

尚於往來義必存於施報永為好也請母卻之

又

吳傑

千里傳志恭憑尺牘兩家通好重在函書首施烹鯉之功用仕  
後鯨之手輕練不腆少酬臂指之勞柔素先陳仰異心志之佳  
回開書啓

亭漁得故人書首嘗有喜開緘見諫議面今復傳志既承僊謫  
之將復拜厚幣之賜雅意若此感懷謂何其愧所施不腆其報  
又

鵲巢風聲預聞喜報鴻傳雲翰知是嘉音辱貺命以為榮敬焚  
薰而致意謂有來照璧玉用藏十襲之中無以報愛姑少謝乃分  
之一

事文類聚前集人書卷之五



新編事文類聚翰墨全書卷之六

乙集

婚禮

納幣 即今聘書

婚禮自納采至請期惟交幣爲重故古者幣必誠辭無不  
腆前輩聘書簡重得休不矜閥閥各匡不論世族大姓故  
是編首以前輩之文謂之通用自是或閥閥或族姓或契  
家或姻家自士人以至工商雜伎各以類次爲篇雖不免駢  
儷舊習大抵主於誠腆而考鄙之辭多在所削云

通用

聘定啓 韓聘王

呂伯恭

請舊游於群從各接因憑圖佳耦於諸孫肇修幣聘載竭吉日  
用長多儀云云官學載初及茲授室伏承云云德容參劬協此  
宜家奕二梁山不自慙於樂土湯淮水幸將挹於慶源二姓  
之合於禮爲嘉五兩之陳其儀則舊



又

金平口

詩戒及時猶重婚姻之道禮嚴必擇常高行義之家古訓可稽  
私懷竊慕伏念其學生見聞未博已及成人而今女小娘淑慧  
有補實生慶緒輒藉寅緣之請以圖仇讎之階同氣相求不疑  
何卜豈惟受室獲修蘋藻之儀抑亦登門庶染芝蘭之化有少  
薄礼具于別牋

又

兄作婚主

前人

其啓言念維素與梓曾無一金之遙親仁善鄰况切平生之慕  
敢敷誠悃願綴華姻伏念公妹小娘子夙稱同体之賢而其長  
姪某方圖内助之懿比因傳道已荷聽從迨茲良月之臨式謹  
示繡之聘一言而決由同氣之相求五世其昌庶自他而有耀  
有少薄礼具于別牋

又

熊聘翁

熊山甫

言協鳳皇晉進問名  
賜礼特薦莫再馳納聘之牋非為稠

之儀蓋重姻婭之契敬以誠辭必腆故以將之男有室女有家  
未為好也

又 回余氏

孫仲益

婚姻之合有初方軫楚弓之念宿昔之人因未改與欣趙璧之歸  
然黨交歡里閭賀喜伏奉某官勳烈名臣之世文章後學之宗  
眷此春秋鼎盛之時獨見歲寒後凋之操其慈永弟少女復嗣  
奉也之薦無幾舉按之恭新楚之束綢繼不替青臚之舊琴瑟  
之鳴和應宜同白首之歸

聘啓用圭名

乾為陽坤為陰萃交而泰震索男巽索女咸悅而隨志貴合於  
同人吉叶歸於有漸聞今愛內正得家人之義必巽隨而無違  
而學生事未諳幹蠱之能徒困學而為坎荷謙光而為親此在  
貫帛而無過需詠言不替於中孚必受敬乃為之悅孩愧將  
意不如於豐厚惟表忱無廢於常儀託襄脩而致言雖大有以

何益幸錫晉而勿拒實為家於見存

四啓用卦告

良莠久契固知端分以隨宜龜筮叶從輒敢因親而比附伏蒙  
媒妁既濟姻嬪彼美寔男書風全於許蠱乃生聖女道已叶於  
成坤必大壯然後漸歸於禮節未嘗需索言可復也信允合於  
中孚受不泰乎聘敢辭於大有謙撫俯逮咸感榮深

公函

聘定啓

慶源流裔衍金枝玉葉之傳昭代褒勲荷鐵券丹書之寵黃絲  
有自親愛弗忘今女姿亞婦娥况有乘鸞之標格某男才非英  
俊濫叨附驥之聲名既承女以妻之莫匪天其幸也向已通於  
繫臂今永結於鸞眉未冠未笄預識百年之偕老鼓琴鼓瑟共  
諧二姓之和鳴

又

棟軒

望若木之十枝已遂發之願入純帛之五兩爰修交締之誠

非從事於虛文蓋綢繆入嘉禮庸將厚意以固同盟第仙源積  
慶之蕃是爲帝胄雖通德遺芳之遠尚謂儒流既伉儷之可求  
實因緣之有自靖惟求好益壯旁觀念景迫桑榆欲了男婚之  
債幸光依金玉佇看親結之儀

回啓

宗女啓

仰瞻甲第曾非阻雲水之程俯念宗支敢詫屬天潢之胄茲深  
憑於柯斧遂有託於絲蘿久羨賢郎而師模之已就自慙幼女  
於母訓以何資靡拘滕薛之宗宜結晉秦之好此時修醴既勤  
幣帛之將不自言歸當遂室家之慶

困困

聘定啓

徐提學再娶王氏

徐意一

締松蘿之姻議有勤柯斧之往來倚荷橐之家聲幸獲門閨之  
輝映靖惟華耀實出機緣舍弟監丞閨闈久虛勉續絃而安子  
女令甥女孫封德容兼稱能主饋而宜室家言諾千金歡諧二  
姓永爲好也欲投瓜李之儀于以用之必賴賴繫之助

又 蔡定劉

蔡久軒

詩書起家取謂中郎之系婚姻論世其惟劉公之依五兩陳儀  
二姓合好今愛德容婉變教將入於公宮而其學生氣習酸寒  
味自安於太學自謹趨庭之訓年當堪室之期介以裏言協茲  
佳耦起敬薄雲之高誼肯從如水之淡交莫節叨榮原隄載髮  
於駕駱標梅迨吉門闌已下於乘龍

又 李娶魏四川同官

李梅亭

二星分野適並舍於魚梵兩家提孩許問津於烏鵲仰甘棠之  
有笏愧昔李之無蹤熟固在於地同台殆由於天作茲者伏承  
其官小娘子周旋內則夙閑十七之少儀而其大學生位長孫  
其溫習中庸詎達三千之山礼况未策贊皇之名第乃竊附公  
子之婚姻亦惟陪萬里之遊因得合三姓之好卜妻占八世克  
協鳳飛之和勸郎勤六經實望雞鳴之戒

又 劉德鎮與梁宰

花縣鳴琴後共登於仕。錦城總餉。慙莫紹於家聲。素梓之  
連陰宜絲羅之結好。令愛夙閑。母教素高。詠雪之才。某男粗習  
古書。方有乘雲之志。亦念室家之同願。遂令男女之及時。語雖  
藉於冰人。事已符於月老。既荷黃金之諾。礼台問名。未修白璧  
之儀。幣先將意。不腆申敬。具陳乙番。

又

蕭燕娶劉總領

蜀天總餉。仰族譜之增華。漢殿含香。愧家甦之未復。偶締絲羅  
之好。深懷葭王之慙。令愛素有婉容。自是閨門之秀。某男方當  
弱冠。粗知弓冶之傳。身途適西嘯之時。雅意在東林之選。蘇芳  
種璧。遽沐諾金。莫鴈將誠。敢肅陳於五兩。乘臨有約。期偕老於  
百齡。

又

葉聘劉

翁賜坡

復東陽之學。臻美晦翁。擅黃溪之奇。受知坡老。如此闕閨。宜其  
室家。借月老之平章。成天孫之邂逅。令愛入門。俱妙雲莊。常伯

之的傳長兒相宅謂何丹山元樞之自出欲習石林之隱莫如  
劔閣之依各及其時遂託以子桃花已實許陪天台之遊桂子  
生香尚記月宮之曲非然贊爲企矣乘龍

又

熊夢揚

尚書孫娶司法女

劉心明

依連幙之紅仰羨法曹之芳譽綴荷囊之紫府歎兵部之遺家  
偶冰語之荐臨喜天緣之胥合今愛自深閨之初長京已如蘋  
澗之恭小兒愧遠業之未成方欲赴槐宮之選爰謀泰筮永締  
同心雖黃金之諾既堅但白璧之儀莫辦聊陳薄幣庸結歡盟  
定百年偕老之期正一陽生子之月自天作合好音已播於揚  
園指日于歸吉兆即諧於熊夢

又

知縣娶太守婢女

五馬聲華方隆恩於絳闕雙鳬洽落敢擇耦於名家重蒙朱轡  
使節之寵臨猥以白面書生而見取以同氣之子猶幸也因其  
人可妻而妻之若嫌娶之財安敢向大夫之前語此惟往來尚

礼相與酌世俗之宜行

回咎 江回熊

能平溪

花廳擁街史夙仰名家竹馬迎使君敢吟末裔甚言謂系同是  
紳綏沉山北山南居燕友阜宜冰上冰下語判柯人想得婿之  
必在喜愛女之有託尋來信幣來締親盟古而五世之昌允言  
協吉礼曰二十而嫁姑俟及時

又

相門出相方託身槐棘之陰丞壁負丞敢妄意松蘿之附蒙以  
貴而下賤聘不腆之若人微福甚榮省心知愧共承其官階蘭  
堪佩足繼史思之風而其女間漢可湘粗開姜離之教在礼絕  
百僚之重締好合二姓之歡君子不弛其親已故佩督公之訓  
公侯必復其始願益綿魏國之封

又

樞密號為兩府曾見華姻傳正建於九卿敢云無仕論閥閱則



不翅段王交道義則見諸蘭金令郎為文肅之孫必成宅相小  
女出湛盧之館或以外翁企仰前修惠徼餘福況同庚之十歲  
且偕老於百年尚奮世科豈愛奩中之官爵方遵母訓定知林  
下之高風

二

回啓

秦伯封吳族氣久淪於寂寞混元指李仙源猶鶴寺方合二  
姓以親成結百年之眷愛恭惟其人子孫學詩禮早通六  
之文其季女無非無量素給士餞之訓既蒙采芹固願依松契  
彼鳳占卜云其吉黎然鳳幣敢不拜嘉

又

熊回賈

熊退齋

羊嬌得姓之初苗裔已三千撰淮楚分支之後詩書昆四百年  
俱為善族之維宜作嘉姻之合令嗣一經有訓諒足紹於簪  
弱女四德未閑恐弗堪於抗儷但擇婚姻者不必富貴之是  
重道義者毋分村巷之軌 儒家固自有常禮節亦惟求補况

伯氏胥篤斯文之契而大旨亦宜世好之修重往行言敢稽報  
弊中盡之家人正吉有閑今日之義方外氏之宅相多賢願見  
前脩之範

聘定啓 劉聘朱

劉立雪

論建學宗祇致中乃元晦之內親攷終社淵源公揆又質夫之  
宿友既兩姓實緣之自昔且百年姻好之繼今切惟朱閣功容  
久開內則英少劉章詩置下昔家聲風占丁  
陳以華筆作天台吟  
人峯願守歲寒於茲扣

又 劉聘王

前人

杖藜取友曾家介甫之知禁衛論親許作真長之配共羨昔時  
之管輅得為今日之朱陳切惟王母之家風素嚴姆訓况是劉  
郎之才調解讀父書牽絲幸中於金屏將幣敬投於玉鏡今朝  
一紙繼承球托於宗枋他日三場興著止期於溫飽

又 李聘望

鳳林

數靈臺功臣之次禹在通前尋月老婚籍之名齊非鄭偶一脉  
書果同聲相應故百年姻好片語可諧恭惟內行純備之家素  
多淑友自許詩思清新之派未必奇男何所取之謂可妻也儒  
風道味已淳淳於筐篚幣帛之間父訓姆儀各疊二於文章絲  
宗之事

又 胡聘朱号梧月

竹坡

并梧月滿幾年慕道韻之遠坡竹風高今日托歲寒之契意氣  
之同如此婚姻之好宜然賢令孫讀文公書適學樂與詩之歲  
姪孫女守安定訓知事人必敬之言貽厥孫謀滿望親傳於典  
冊誠堪增巽願言多喜於門闥

又 以睡刘

石渠校五經歐博士托更生之契廬山高千仞劉允中稱永叔  
之詩既堅累世交情幸結日年姻好况桑梓連陰不遠伊邇則

交倚玉為幸何如遽中 屏間陳鴈幣禮非雙璧但堅投璧  
之盟諾已千金必往斷金之利

回啓

藍回朱

藍清岩

讀考亭夫子之書久依闕里叙仙宅雲英之嬌幸締機緣言偶  
惜于斧柯辱不遺於封菲何事蜚塵之謬習但守原魯之素風  
道義相忘婚姻永好從大夫之後知稔聞詩禮之格言送女子  
之門當勉服繁纓之明訓

又 王回劉

陸峯

群書對夜昔聯天祿之輝六禮定婚今講河汾之好介為奇事  
豈是俗交令長郎雲錦飄裳方工粗麗小女子夫其補褐僅習  
紉縫幸因識貴客於窺屏遂得充快婿於設席有來聘璧增重  
諾金此日聯姻已締劉郎花洞之約他時共送歌王孫笑禔之詩  
又 胡回李

胡叔山

讀山谷與承議公之帖墨跡猶新歌只與昔賢子弟之詩書香

朝遠既同草木之味宜締絲蘿之姻君不責綠牕之貧予敢求  
白璧之禮得婿多喜色願亦如片宅之榮嫁女惟部書當恪守  
澹菴之法

又

劉儀甫

劉儀甫

伯溫與密夫共學俱余伊洛之傳益公薦靜春於朝素薦卿邦  
之誼機緣有自姻好惟新愧無黃金寸縷之微茂對白璧一雙  
之貺以致中之法擇婿固取父兄之從游確濂溪之月過人願  
以道義而為貴

又

林回曾

四海一南豐先生名徹宇宙千載老西湖處士亦謾山林天昌  
二姓之雲仍日締百年之星匹機緣非偶氣味相投今似秀出  
儒林擇對當如孟德耀小女粗閑女範得託敢希溫太貞荷公  
篤粉粹之明鑒遣使奉段字之好風雲吾與點也喜寒門得玉婿  
之賢太山不如放乎愧少示非岳翁之重

又 曹回夏

禮樂縱橫獨對三千之字文章傳正家傳一瓣之香之前人有  
赫二之言自今日締親二之義令姪英姿卓冠已聞挺秀於蘭  
堦小女之誠重傳安得吟工於柳絮茲辱伐柯之請許修施栢  
之緣况素爲孔李通家今又結朱陳舊好所望以經遠子俾行  
收薦揚之功亦當勉婦讀書庶不負乘龍之望

又 李回鑑

校書漢閣喜臨太乙之光瑞世唐家亦應長庚之夢齊名如是  
講好自然益知造物之贊成是豈人爲之能合今似多才多藝  
恐尤深鴻寶之儲小女克儉克勤安得識真弄之貴詎意齊何  
之傳命遂成琴瑟之好速勸將旅陳邨雲鼎至自今以始既式  
符象間上名之子手歸第恐之房奩中物

一 聘定啓

五世其昌久托朱陳之好一言之公優禮對壺已之姻爲幸居及

非辭可贊靈筵不疑於後卜歡鈴已動於先聲索若幽蘭風票  
姬姜之德才如朽木豈勝馬寶資執柯因藉於楚脩樂士遂  
同於韓姑聘之將篋自知唐篋之可羞異此宜家永續通家之  
深好

又

竹林亭長

昔者老姑幸獲供於蘋藻今焉弱息敢采附於絲蘿自非長者  
薄於記存安得舊姻以之繼續故面相見而口相約欲男有分  
而女有歸慨然義襟異技流俗存焉庸何以得此於礼文詎容  
忽諸白璧定婚安敢謂許田之假黃金得諾必不孤曹丘之來  
倘百兩之歸不俟及笄則八世之昌何勞問筮我所願也公其  
籌之

又

吾親乃爾姑數世之姻維禱生男願有室一朝之好方新同心  
允契於蘭蕙締約遂聯於羅附妻以兄子足知慈幼之真情遠  
之後人惟有傳家之世問雖言傳於媒妁實天合之實緣依劉

得人方倚重扶持之力。能有夢觀延洪嗣續之祥。

回定啓

律曆甲族夙推譜系之高韓范世婚重締姻婭之好辱殷勤之委眈敬龜勉而拜從伏承令似詩禮相傳擅之蘭之挺秀其長女繼并甫及恐蘋藻之未勝因緣獲定於一言敏縛不拘於末俗餘生何幸庶相依唇齒之間吾味既同願盡素形骸之外

又

葛藟施于條枚已屢見孫枝之秀女蘿託於松柏又得依族葉之榮因親而親乃幸之幸克家有道正將求與按之賢相聞無儀僅能事執巾之役偶役冰人之申好遂成月老之負緣茲蒙鴈幣之鼎來復辱魚書之謙墜載欣今日克諧劉范之婚姻罔俾昔人專美朱陳之嫁娶

又

問諸姑於伯仲之間久知聲譽聯舊親於妯娌之列幸忝姻婭



雖自題紅葉以無心然適喜朱紵之有續材高杞梓固非為養  
以娶妻質類菲封已嘗不嫁而擇對信黃緣之有自豈人事之  
由來聘禮拜嘉母替後來之約會言不遠敢愆親迎之期

又

黃月山

職在中司愧祖風之莫振位居左轄知相裔之相承閥閥俱高  
葭葦維禱但阿彥有女何敢希時彥之流而與范為裔正欲續  
世婚之好來聘既不需於幣帛歸裝亦惟有於釵裙隨時施宜居  
敬行簡姑緩賓鴻之至即請鳴鳳之和甚善治生自可致陶朱  
公之富若將孝隱其肯從赤松子之遊

田契

聘定啓

孫仲益

蚤以父兄獲頤後遊之末晚因童稚又塵姻婭之聯集盛禮於  
一門締交期於三世伏承其人衆謂恂恂無子弟之過而其女  
子自恐兢二詒父母之罹事勤勞幣之先適契有家之願莫不  
代置母慶南閭營廟之永可與語言庶乎東池紆麻之溫

又

呂伯恭

百年門戶各保家聲一姓婚姻共敦先契某位長女順承之道  
隸習未閑伏承某人英妙之稱發聞惟舊既奉導言之固敢格  
報聘之修有若靖康以來非無雅素其自棄公而下莫不寵嘉

又

張全真

禮本為婚是為萬世之始人惟求舊實交二姓之歡存厚好  
欽承高誼某第幾女含飴鍾愛粗聞女誠之辭伏承某人第幾  
男禁衛珍珍夙謁上林之望雙吉占於鳴鳳追妙譽於乘龍嘉  
命難逢欣悰增激

又

呂伯恭

北望中原慨想故家之律度南來江國僅依名勝之風流苟可  
合二姓之歡何必有一日之雅令嗣文章議論固已不凡某女  
婉婉聽從粗謹所取有來玉帛之禮武陳榛栗之儀師交淵源  
之功知所自矣夫婦倡隨之義將有賴焉

聘定啓

娶姪女

又

謹性似我家夙敦世好孔妻以兄子又締姻然綢繆潘楊三華  
之親舅婦朱陳一家之盛令愛德功婉婉知爾絲麻泉之恭弱  
息詩禮薰摩脫綺紈襦袴之習追惟盤礴曾過家山載膳在戶  
之星共瞻對床之雨欲早為子平家事之畢謂無如老蘇母黨  
之來成此佳姻居然治命一門叔父定知道蘊之才五世正卿  
已兆有媼之下訂金諾重納米甚先

又

陳子華

出與劉而為姻喜諧舊好卜於陳而曰吉獲締新盟况皆同隊  
之魚遂叶和鳴之鳳令愛功容兼備肅修肇忱之儀孝生詩禮  
粗傳謹守箕裘之業言笑馮於柯斧好幸托於絲蘿雖出人謀  
實由天合屏間金雀佇吟李監宅之詩鏡下玉臺敢聘溫嬌姑  
之女

又

娶族姪女

熊古山

蜀贊娶劉喜得族姑之役秦嬴歸晉是爲舅氏之家既世好之  
不忘曰幼猶而亦可有孫早娶吾老幸及見之教婦初來雖小  
正無嫌也式從柯議永締葭姻戚之誥貴情男女之願俱畢  
豈但歸宜爾寧爲百年偕老之夫妻且圖治比其鄰有今日相  
依之姑姪

又 娶舅女

子圉本秦之甥方喜懷親之可妻小喬歸吳而嫁自慙公瑾之  
不如雖論新婚不如論世婚然愛人子甚於愛己子始自諸姑  
薦姪獲依大舅爲郎敢育錦箋願從金諾兩家猶一體尚何以  
秦越論哉二姓偕百年但得如朱陳足矣

又 娶舅女

見舅于渭陽喜親盟之惟舊館甥于貳室幸子舍之有依昔曾  
見於朱陳今復聞於秦晉某女雀屏久設素高容德之稱某男  
聆誨速成正切義方之訓既篤親其親之好實深子吾子之知

聞水上之言已傳梅信問月邊之約早賦桃華

又

娶姑女

哀長吉

擇壻以器業取人知有祁公之特見杜衍娶婦以清儉爲法方  
博文正之家風范仲淹幸聲氣之本同復姻憑之有素矧惟伯  
氏力主行媒遂令弱息之無堪乃辱佳姻之見許結親云始用  
賁當虔熟知義禁之高敢事文爲之末歡傳玉鏡豈惟慙姑女  
之懷喜動金屏抑且爲世婚之慶

又

娶姑女

金雀屏開久慕王孫之貴玉臺鏡下茲修溫嶠之恭姻不失親  
人惟永舊碩齊如季女夙稱南澗四德之賢豈佳若諸郎敢與  
東床一人之列事諧柯斧情露花牋讀伐木一章速幸無於故  
舅賚必泉數語問首及於諸姑

回改

梅城

王凱爲荊州之督數世皆得以聯姻劉振視仙客曰甥一見亦從而許妻揆今隼昔異世同符况桑梓之陰連而梅蘭二家道號之味合諾金已久加璧何厪女嫁官人幸已得君家之俊甥似舅氏尚期增吾門之光

又

梅屋

名節郎官與安世皆神仙之黨文章太史於永叔猶師友之間既論道則同且因親之舊况以此郎之可壻抑又以姪而從姑聿來黃綃之祥增重綠窓之季敬聞命矣亦適願兮墨妙相傳想無負畫燭之荻書香借映益有光照閣之藜

又

舅女荅姑

齊魯世婚益重舅姑之好李劉盛族宜無閤閼之嫌爰乎同氣之情適副中心之願惟茲佳偶實異常倫蓋室家男女人之大倫亦兄弟昏姻無胥遠矣吾姊已老父慙李勣之焚墮此女何

為粗識孟光之舉按用持箕箒往奉晨昏姪既從姑求僕依棲之願人惟求舊不忘疇昔之言

又 姑女答

在昔愚生夙借明珠之虛譽乃今賤息又承倚玉之嘉盟益知范甌之有容不棄晉甥之無可謫事繫之聞望為席上珍翫清映之風安匪閨中秀幸彼此不逃於藻鑑故往來再託於霞李湯幣惠然義書粲若回風以喜既克諧新舊之夤緣何日于歸且與說親戚之情話

兩姨

聘定啓 要大姨女

自母黨而來本是一家之姊妹特親盟之重複諧二姓之姻連惟舊好之不忘宜新昏之可託雖間以兩姨礼若未順然出乎異姓義亦何傷既相孚同氣之中當盡略繁文之末愧無璧玉來求徐氏之昏喜中金屏願締李郎之偶

又

合二出舅甥之契忝附以家照兩姨兄弟之姻輒攀大援猥承  
擇對庸謹問名某男方就師模尚愧柴也愚參也曾以愛素開  
姻訓未遂宋之子齊之姜適自斧柯獲諧瑟瑟敢狂書而叙意  
爰伸幣以致儀因親致親堪笑爭棚之公焉以類求類求為倚  
玉之兼葭

又

兩姨指腹

曩媿姻婭叨居秦號之間全幸情親重繼朱陳之末靜言矣合  
積有夤緣既桑梓之連陰復稟享之有旧雖鳴鳳之占允叶然  
委禽之禮敢虛姊妹當年嘗訂一言於指腹即娘此日果諧百  
歲以同心

回啓

嫁小姨男

兩婿相謂為姪早陪驥子之遊二姓之合曰婚今遇龍孫之長  
辱公書祝締此佳姻且其渭陽之親曾占水上之夢負家女難  
嫁幸焉依於邢姨諸少此正佳婿同自於蔡出求以為好敢不



拜嘉

又

二人同心素得連襟之契兩家生子獲諧合卺之歡信機緣非  
偶以相逢亦媒妁巧為之匹配英姿秀發已標梧竹之清弱質  
幽閑粗眉頗繁之奉茲喜女羅之託載驍勇贊之修假寵自天  
着愧無地受而藏室其敢忘愛姊妹之情行矣升堂當戒以舅  
姑之禮

又

行媒講好方慚非宋子之榮亞壻連姻遽辱拜邢姨之惠有來  
聘定無任主臣才擬儒林自是蘭階之秀敢勤宗牘僅知頻問  
之儀幸因蕭陸之因緣獲締朱陳之契誼寵之華翰惠以名繡  
連袂連襟自此續通家之好鼓琴鼓瑟行矣歌宜室之詩



聘定啓

井里氏

仲南軒先生之華胄伊洛源流鶴西湖處士之徽宗姻霞情趣

臭味既同於昔姻婭幸然于今伏承令女弟自有林下風德容  
兼備小學生愧非禁中嚮訓誥粗通誥已佩於百金緣庸成於  
双璧敬陳鴈幣載真魚書吟柳絮詠梅花天門坡配和風鳴叶  
龜卜世莫與京

回啓

刘回李

胡祥翁

延平同安世之學傳世有宗龍雲托彥弼之交通家維舊况樹  
玉有同升之契耳蘭堦協婦妹之緣數已定於紅絲禮何拘於  
白璧有來莫應豫喜乘龍劉得所依幸對孔雀屏之貴李何以  
報惟有鴻宝苑之書

聘啓

文無父母姊為婿主 刘定黃

裏繩定八分屢登訪月老之書并白良因何幸得靈英之耦既拂  
龜而决小庸莫應以締盟所慙北阮之負難辱小喬之嫁既黃  
緣之自昔宜好合之迨今幸母從婦妹之期庶早正家人之位  
桂承雲漢行合黃姑之佳期路入天台自慶劉郎之奇遇

兄弟

回 姊事第妹事兄

婚必論財劫卹區三之夷虜女行問姊難忘卷三之恩情妙焉  
因親而致親將以居簡而行間方狐疑未決乃蒙伯氏之贊成  
及鳳卜既諧深恐老郎之非偶特塵來聘敢不拜嘉然大喬未  
免降尊而就卑而魏國尤當以大而事小但冀夫妻之好合勿  
言兄弟之皆宜妯娌皆歡本桃葉桃根之同氣門闌多喜此棟  
華棟華之聯芳

回 姊事兄姊事弟

托箕箒於賢郎方壻玉翁冰之獲潤記芝蘭於芳初喜伯霜仲  
雪之俱高幸綢繆無間於情親宜次第復尋於姻對伏承令似  
坦腹據東床而食切知非糠覈之肥而其女采蘋過南澗之濱  
嘗使佩聲緣之訓雖媒妁愛評於他族而兄姊交贊於重言三  
喬何幸以同堂兩襲皆吾之佳客有家有室各異莫年婚嫁之  
緣宜弟宜兄庸見太客將齊之敬

聘啓

聘啓

荆石示訓喟兄女之無依蘭玉騰芳知賢姪之可託屬賴金針  
之線豈勝寶瑟之絃今姪素宦家傳不滅新豐之遊旅姪女雖  
姿玉立敢侔上國之宗姬以兄之子妻之未有如此郎者驚十  
載揚州之夢已悟前非收一聯宮禁之詩誓盟堅好

回啓

俯慚姪女素無詠雪之才仰締親盟喜并夢永之請伊女子有  
家男子有室覺今日受是前日受非不惟慙伯父垂老之情抑  
且寬爾家托孤之累撫之如子願曲垂幼穉之心行矣成人庶  
永締鄉里之好

聘啓

聘啓

百萬買宅千萬買隣居連越蔭三十宜娶二十宜嫁語判柯人  
是皆吉兆之相聞且致姻連而合好今受德雖克備兼備婦容  
小兒生未有知僅知書味詎意連牆之契轉爲宜室之歡遣女

鯉以傳音自今而往俟八鸞而曰吉行詠于歸

又

楊廷秀

百歲論交久忘年於鄰曲兩家生子復託契於婚姻夫何声氣  
之相求蓋緣草木之同味某人小娘子勿而自異已傳柳絮之  
吟而某姪子生未有知殊愧蘭芽之茁惟是斷金之舊願言固  
玉之新發幣非然別牋敬止

又

江程萬

願聽月評聽聞風範辱在美仁之契宜先嘉偶之求某第幾男  
少習義方粗供子戒伏承令長女小娘幼閑內則克著婦儀敢  
因媒妁之詞遂締婚姻之好仰遵慈訓欽佇好音

又

江元吉

居縣里閨声華未齒於崔盧勢隔崇卑匹敵敢當於秦晉其意  
詣占於得鳳遽聞冒慶於乘龍今女閨順多儀禮裝已結小姪  
庭誨鍾簪姻座未升偶以異齊勉之和遂致楚羅之托詎匪素知

之可取方期辭大以圖深念黃緣預告休於月老成茲嘉會  
爰有兆於冰人雖曲禮之三千降於合好順純帛之五綢用以  
將誠謹列敷陳殊增悚恍

又

孫仲益

粉榆同社貌然雞犬之聞羔鴈旅庭端若驅重之應遂微一時  
之幸永諧兩姓之歡伏承令嗣某官襲父祖之箕裘而家法具  
存以某登仕兄幼女奉直草之嚮枕而婦儀已習榛栗棗脩之  
贊以辨男女不敢過焉頻敷繡履之采可薦王公永爲好也

又

居連一舍豈殊桑梓之陰心同一人雅契金蘭之好夢黃緣之  
有自預欣幸之何多文素開姆訓無非無儀舅早就師模克以  
克擬正三星未在於戶適以永肯流於淇禮云禮云爰奉絲綸  
之五綢樂只樂只永堅盟誓之百年

啓江娶黃

此屋聯君本是一家之情好因親締契復諧二姓之姻煙曰  
氣之相同宜黃緣允協伏惟今愛夙全四德稔知黃綸之工  
某男幼習五言謾賦江羅之句荷不遺於封非幸獲附於松羅  
非惟畢男女婚嫁之緣抑且遂親戚往來之便薄言莫鴈愧無  
筐篚之多儀喜深鑒焉近出門庭之五步

回

門相當戶相對情話素親男有聘女有歸黃緣尤巧雖人言之  
借助亦天合之夙成伏惟今似卓爾不群彩筆想符於神夢某  
女幼而無識色絲何有於婦功惟圭跡之相知締姻煙之允協  
式請占鳳有嬌知家室之宜更喜乘龍得婿在門闈之近

回啓

山房

古者世婚必尊譜牒流俗競利乃尚襟期邈矣此風敢不重拜  
近求鄰比是以朱陳尚論紳縉恐非秦晉世之誤荷禮請之  
勸故承神休登受好幣三肅將命奚所措辭一尊齊門永迪有祿

又

何待制

生女而願嫁比鄰素同臭味擇對而欲得賢者今托因緣某人  
已有父称想念鸞膠之續某女未離姆訓何堪鴈幣之求卜之  
神而其宜娶之人而咸允然議財成夷厲之誚信已在前而謹  
始著春秋之文禮安可後

又

千萬買隣久借依光之便五兩納幣忽承合好之明偶固非吾  
願誠固我儉勤克盡素高潤屋之謀敬戒相承粗得肥家之道  
詎意北平之富不羞西禰之貧鼎來鯉素之書復辱萬章之贊  
何幸一壁之隔允諧五世其昌豈無他人孰若此里仁之美乃  
正佳婿况翕然鄉黨之親

與卿

聘啓

赤繩異吳楚之鄉有緣千里寸帛論朱陳之好決自一言第慚  
孺子之貧不若陶公之富幸雀屏之中選宜龜筮之叶謀幾年



藏席上之珍今日聘書中之玉可依巨室何妨出贅於西淮此  
去通家共樂來賴於南閭

又

何待制

問親百里之遙雖黃緣之必合定議八年之久亦詢訪之甚詳  
終自愧非各家何足以當大族某女婉婉而從姆訓風推功容  
言德之純某男穎蒙而讀父書粗識典謨訓誥之旨既正位乎  
內而正位乎外宜願爲之室而願爲之家夫實使之式結百年  
之好事已諧矣庸伸五兩之恭

回啓

鴻鴈求實犀寄帛書之語鳳鸞爲友喜聞紅葉之詩不圖異楚  
之異鄉得契崔盧之大援自天作合非人所能令以黃跣槐花  
久負步雲之志某女白飛如燕尚慙詠雪之才吉叶龜龍永永  
願幣云云

又

此際兩重向若參辰之次西傾東應自然針芥之投夫豈偶然  
適有天幸某官英妙無窺園之好某女素風猶映雪之餘蚤緣  
草木臭味之同不改風雨晦冥之度佩至言於三復固其磨玷  
之尤出妙句於五噫共有相眷之樂

（四）

聘啓

朽木難春自乏牛山之蘂崇蘭香發許分謝砌之枝是將拔鰥  
鰥之翮以傳鵲鳩所愧屈蟬蛸之子而爲螺贏俾延光於奕葉  
實徵福於華宗知能挈地以借來當見敷苗而肯獲巧養成功  
業雖僅仍玉桂之風長大壯吾門亦同是一家之夢

回

多男徒累可能生虎以爲彪立嗣必賢何至續貂而用狗始奉  
辭而投杼三辱命以循牆友誼重違抱送姑從於釋氏天倫所  
爲負越有愧於林回顧有加顧復之恩庶少遣弃捐之責康節  
始爲人父諒能愛子以義方魏暮倘有祖風自是開君之門戶

事文類聚翰墨金書卷之六

